

ՎԱՐՊԱՏՈՆ

# ՀԱՄԱՄԱՐԴԿԱՅԻՆ ՍԻՐՈՎ ԼԵՅՈՒՆ ՍԱՅԱԹ-ՆՈՎԱՆ

(Սկիզբը՝ 1-ին էջում)

Այս տարվա Վարդատոնը բացվեց Սայաթ-Նովայի «Աշխարհումըն իմն դուն իս» երգով:

Միջոցառման վարողները՝ Պ.Ադամյանի անվան թատրոնի դերասանուհի Նանո Պողոսյանը և Թբիլիսիի Կ.Մարջանիշվիլու անվան Պետական ակադեմիական թատրոնի դերասան Գուրամ Զաչին, բեն հրավիրեցին Վիրահայոց թեմի առաջնորդ Տեր Վազգեն եպիսկոպոս Միրզախանյանին:

Սրբազան հայրը իր ելույթում կոչեց պահել-պահպանել հայ-վրացական միասնությունը խորհրդանշող բարի ավանդույթները, այդ շարքում՝ նաև Վարդատոնը, և քրիստոնեական եղբայրությամբ ուղեկցվող նոր սխրանքներով շարունակել համատեղ գոյակցությունը:

Թբիլիսիի սակրեբուլոյի նախագահ Գիորգի Ալիբեգաշվիլին համաքաղաքացիներին հղված իր ուղերձում մասնավորապես նշեց. «Մեր երկրին անհրաժեշտ է հույս, ապագայի հանդեպ հավատ, դրա համար պետք է կանգնենք իրար թիկունքի: Մենք միասին պետք է կարողանանք մեր քաղաքին վերադարձնել իր վաղեմի շուքն ու փայլը, իր համն ու հոտը: Կեցցե մեր բարեկամությունը»:

- Թանկագին թբիլիսցիներ, ամենակարեւորը, չենթարկվենք ուժգին ազդեցությանը այն չար հողմերի, որ կան աշխարհում այսօր, կար երեկ, և հավանաբար կլինի նաև վաղը: Մեր քաղաքը կարող է պարծենալ աշխարհի առջեւ իր համամարդկային սիրո անօրինակ դրսեւորումներով,- իր ելույթում

նշեց գրող-թարգմանիչ Գիվի Շահնազարը:

Վրաստանում Հայաստանի դեսպանության խորհրդական Կարեն Մելիքյանը ներկայություն փոխանցեց արտակարգ և լիազոր դեսպան Յուրի Վարդանյանի ողջույնները Վարդատոնի մասնակիցներին: Ապա իր խոսքում կարեւորեց մարդկության բարության և սիրո ջատագով Սայաթ-Նովայի հիշատակը համատեղ տոնելու հայ ու վրաց ժողովուրդների բարի կամքը:

Վրաստանի հաշտեցման և քաղաքացիական իրավահավասարության պետնախարարի առաջին տեղակալ Քեթևան Ցիխելաշվիլին Սայաթ-Նովա քնարերգուին դիտեց իբրև համաշխարհային ֆենոմեն, իսկ նրան նվիրված տոնախմբությունը՝ մեր ժողովուրդների միասնականության առիավատյալ:

Վրաստանի գրողների միության համանախագահ Մաղվալա Գոնաշվիլու, Հայաստանի գրողների միության քարտուղար Պետրոս Դեմիրճյանի, Վրաստանի հայ գրողների «Վերնատուն» միության նախագահ Գեորգ Սնիսյանի ելույթներում ընդգծվեց երկվորյակ եղբայրներ Հայոս-Քարթլոսից մինչ այսօր շարունակվող ու մերօրյա բարեկամությունը կերտող ժամանակակից հայ-վրաց մշակույթների համագործակցությունը:

«Վրաստան» թերթի խմբագիր Վան Բայբուրջյանը իր ելույթը սկսեց կովկասյան երեք լեզուներով՝ ներկայներին հիշեցնելով Սայաթ-Նովայի՝ երեք ժողովուրդների գրական մշակույթում ունեցած դերը, նրա մեծ մարդասիրությունը: Նա ընթերցեց Իոսեփ Նոնեշվիլու Սա-

յաթ-Նովային նվիրված բանաստեղծությունը:

ՎՀՄ նախագահ Հենրիխ Մուրադյանը իր խոնարհումը բերեց Վարդատոն կոչվող զեղեցիկ երեւոյթին, հորդորեց համաքաղաքացիներին ապրել Սայաթ-Նովա պոետի ստեղծագործական հավատամքով:

Ելույթները ուղեկցվեցին Մեծն գուսանի հոգեհմա երգ ու տաղով:

Գեղարվեստական բաժինը սկսվեց Երեւանից ժամանած «Սայաթ-Նովա» աշուղական համույթի (ղեկ.՝ ԶԶ Ժողովրդական արտիստ, պրոֆեսոր Թովմաս Պողոսյան) անուգական կատարումներով, հնչեցին Հայաստանի և Վրաստանի մշակութային տարբեր խմբերի ելույթները: Սայաթնովյան տաղերի ասմունքով հանդես եկան Թբիլիսիի Պ.Ադամյանի անվան պետական հայկական դրամատիկական թատրոնի դերասանները՝ Վրաստանի վաստակավոր արտիստ Ռոբերտ Հովհաննիսյանը և Ռոբերտ Աղաջանյանը, ուրիշներ:

Միջոցառման ավարտին բեն բարձրացան Վան Բայբուրջյանը, Պ.Ադամյանի անվան պետական հայկական դրամատիկական թատրոնի ղեկավար Արմեն Բայանդուրյանը, «Վիրահայերի միության» նախագահ Նարեկ Բայանդուրյանը, Վիրահայոց թեմի «Հայարտուն» մշակութային կենտրոնի տնօրեն Լեւոն Չիդիյանը: Վ.Բայբուրջյանը, դիմելով ներկայներին, ասաց, որ 2016 թվականին կվերականգնվի ընդհատված «Գարունը գարնան մեջ» ամենամյա դպրոցական փառատոնը, որին կմասնակցեն Թբիլիսիի ու արդեն առաջին անգամ

երկրի 10 շրջանների ստուգատես-մրցույթներին հաղթած դպրոցականների երգի-պարի խմբերը: Իսկ Արմեն Բայանդուրյանը և Լեւոն Չիդիյանը շնորհակալություն հայտնեցին Վարդատոնի կազմակերպիչներին և հանդիսատեսին:

Վարդատոնի հանդիսույթին ներկա էին Վրաստանի խորհրդարանի անդամ Ռուսլան Պողոսյանը, Թբիլիսիի սակրեբուլոյի պատգամավոր Իսանիի մունիցիպալիտետից Իլիա Ջիշկարիանին, Թբիլիսիի Կրծանիսի մունիցիպալիտետի վարչության նախագահ Գիորգի Կոպալեիշվիլին, Թբիլիսիի Իսանիի մունիցիպալիտետի վարչության նախագահ Վախթանգ Դիզիդուրաշվիլին, Ծալկայի սակրեբուլոյի նախագահ Իրակլի Գիզինեիշվիլին, «Տալի-Դեւելուպմենտի» սեփականատեր Դավիթ ճիճինաձեն, բանաստեղծուհի, թարգմանիչ Անահիտ Բոստանջյանը, Համաշխարհային հայկական կոնգրեսի վարչության անդամ Ռաֆիկ Աղաջանյանը, պաշտոնական այլ անձինք:

Վերջում նշենք, որ այս տարի «Վարդատոնի» անցկացման նախաձեռնությունը ստանձնել էր «Վիրահայերի միությունը», Վիրահայոց թեմի «Հայարտուն» կենտրոնի, Թբիլիսիի Պ.Ադամյանի անվան պետական հայկական թատրոնի, ՎՀԳ «Վերնատուն» միության, Վրաստանի գրողների միության հետ միասին, Թբիլիսիի քաղաքապետարանի, Վրաստանի ու Հայաստանի մշակույթների նախարարությունների և Վրաստանում Հայաստանի դեսպանության աջակցությամբ:

ՋՈՒԼԻԵՏԱ ԲԱՂԱԼՅԱՆ



ԴՊՐՈՑ

## ՆՈՐ ԿՅԱՆՔԻ ՍԿԻԶԲՆ ԱՎԵՏՈՂ ԴՈՂԱՆՋՆԵՐ...

Վրաստանի հանրային դպրոցներում այս օրերին անց են կացվում միջոցառումներ, որը է՛լ շրջանավարտները, է՛լ մանկավարժները, է՛լ ծնողները անվանում են հրաժեշտի տխուր և նոր կյանքի վառ հույսերի տոն, իսկ պաշտոնապես այն կոչվում է «Վերջին զանգ»:

Ինչպես մեզ հայտնեցին Թբիլիսիից և երկրի 10 շրջանների ռեսուրս-կենտրոններից, «Վերջին զանգի» արարողություններ կայացան 120 հանրային հայկական դպրոցներում:

Թբիլիսիի թիվ 104 հանրային հայկական դպրոցի (տնօրեն Իրինա Ժամկոչյան) հերթական 2014-2015 ուստարվա «Վերջին զանգի» հանդեսը կայացավ մայիսի 30-ին, հինավուրց կրթօջախի 77-րդ շրջանավարտների համար:

Նոր կյանքի երազանքներով լեցուն 13 երիտասարդ իրենց շնորհակալությունը սիրելի դպրոցին, ուսուցիչներին, ծնողներին հայտնեցին ավանդական ու իրենց համար դպրոցական վեր-

ջին հանդեսով: Ի դեպ, նրանց շարքերում էր ոսկե մեդալակիր Ժամնա Մկրտումյանը, ում հետ առանձնակի հույսեր կապվեցին:

Շրջանավարտներին ողջունեցին Վիրահայոց թեմի «Սուրբ Սովսես Խորենացի» նախակրթարանի (տնօրեն Եվգենյա Մարկոսյան) սաները, ովքեր այս դպրոցի 2015-2016 ուստարվա ապագա առաջին դասարանցիները կդառնան:

Ուրախ համերգը, որի մասնակիցնե-

րը շրջանավարտներն էին, ուղեկցվեց դպրոցական տարիների հուշերով, շնորհակալության խոսքերով, ժպիտներով ու արցունքով... Հուզված ասմունքեցին, երգեցին, պարեցին, երախտիքի խոսքերով ծաղիկներ նվիրեցին իրենց 12 տարի կյանքի ու գիտության դասեր ուսուցանող մանկավարժներին:

Եվ ստացան դպրոցի տնօրեն Իրինա Ժամկոչյանի, ուսմասվար Ալմարի Սիրադեղյանի, դասուղեկ Ալինա Ավետյանի, ծնողների, հյուրերի՝ Վրաստանի խորհրդարանի անդամ Ռուսլան Պողոսյանի, «Վրաստան» թերթի խմբագիր Վան Բայբուրջյանի, Վրաստանի կրթության ու գիտության նախարարության ազգային ծրագրերի համակարգող Կարինե Մանուկյանի, դպրոցի նախ-



կին ուսուցիչ Նորայր Բաղդասարյանի, «Հայարտուն» մշակութային կենտրոնի պատասխանատու Լեւոն Չիդիյանի, Վիրահայոց թեմի մամլո դիվան Սուսաննա Խաչատրյանի բարեմաղթանքները:

Այդ մաղթանքներում կար այն հույսը, որ Մեծ կյանք մտնող այս պատանիներն ու աղջիկները կդառնան իրենց ազգի բարոյական բարձր հատկանիշների կրողներ ու Վրաստանի ազնիվ քաղաքացիներ:

ՋՈՒԼԻԵՏԱ ԲԱՂԱԼՅԱՆ

ՃՁ ԾՕ - ä 2 ↑ 2 e É 2 Ü \* 2 Ü È 2 ¼ 2 Ü \* É à Ծ Ծ à օ Ծ , Ü ° Ծ

1 2 օ 1 ° É 2 1 ° օ ä

ՍՈՎՈՐՈՒՄ ԵՆՔ ԶՏԽՐԵԼ

Հաճախ լուսարացի, չգիտեմ ինչո՞ւ... Ընկճվածությունն էմ զգում, ինչանից անկախ ամեն ինչի նկատմամբ վարքսմ տրամադրվում: Նման դեպքերում, նկատելի էմ իրոք, ամեն ինչ «թարսվում է»:



Նիհնծմիդդա

Իրոք, թե՛ լավ, թե՛ վատ տրամադրությունը պայմանավորված է ձեզանով: Իրականությունն է նաեւ այն, որ տրամադրվածություննից է կախված նաեւ գործերի ընթացքը: Ուզո՞ւմ էք ամեն օր լավ տրամադրություն ունենալ: Դա հեշտ է: Ահա մի քանի խորհուրդ:

1) Քնելիս մտածեք միայն լավ բաների մասին: Այդ դեպքում, դուք կկարողանաք լավ տրամադրությամբ քնել, եւ սկսվող օրը կանցնի դրական մթ-

նուրդում:

2) Մի՛ կենտրոնացեք այն ամենի վրա, ինչը փչացնում է ձեր տրամադրությունը, բայց ոչ մի կերպ դա չեք կարող փոխել:

3) Որեւէ հաճելի բան պլանավորեք: Թեկուզ, եթե դրան հասնելու համար ձեզ շաբաթներ կան նույնիսկ ամիսներ են պետք: Հավատացեք, հաճելի սպասումը այդ ողջ ընթացքում ձեզ կօգնի վայելել յուրաքանչյուր օրը:

Ա. Մելքոնյան

2 e à օ ä 2 Ծ à օ Ä Ü à օ



ՍՈՒՐԸՆ ԵՎԱԶԵՑՆՈՒՄ ԵՄ ՄԱՅԿԱՆ ՎՏԱՆԳԸ

Սուրճի օգտագործման հարցով շատ նյութեր են կարդացել. միմյանց հակադրվող, երբեմն էլ՝ միմյանց կորականապես ժխտող: Վերջապես գիտնականները չէ՞ն կարող գալ միասնական եզրակացության սուրճի օգտագործումը օգտավե՞ր է. թե՛ վնասակար:

Տ. Մնացականյան

Բաթումի

Սուրճի ամենօրյա գործածումն ավելի քան 15 տոկոսով նվազեցնում է մահվան վտանգը միջին տարիքի եւ տարեց մարդկանց մոտ: Այս մասին ասված է ճապոնիայի Ուուդցաբանական ազգային կենտրոնի մայիսի 7-ին հրատարակված զեկույցում:

Բերող հարցաթերթիկները: Դրանից հետո, Ուուդցաբանական կենտրոնի աշխատակիցներն ստացված տեղեկատվությունը զուգարել են վերջին 19 տարվա ընթացքում մահացության վերաբերյալ տվյալների հետ:

Արդյունքում, նրանք հանգել են այն եզրակացության, որ նրանց մոտ, ովքեր օրական 1-2 գավաթ սուրճ են ըմպում, մոտ ժամանակներս մահամալու վտանգը նվազում է 15 տոկոսով: Ըստ որում, օրական 3-4 գավաթ ըմպողների թվում այս ցուցանիշը նվազում է 24 տոկոսով:

ՀԵՏԱԲՐԻՐ ԵՒ ԻՄԱՆԱԼ

ԵՐԿԱՐԱՎԵՑՈՒԹՅԱՆ ԲԱՂԱԴՐԱՏՈՄՍ

Մենաստաններում փակված ճգնափորները ոչ միայն երկար են ապրում, այլևս պահպանում են մտքի պայծառությունն ու մարմնի առույգությունը:



Մենաստաններում գաղտնիքները շատ են, սակայն երկարակեցության բաղադրատոմսերից մեկին կարող ենք հասու լինել նաեւ մենք՝ աշխարհիկ կյանքով ապրողներ: Այն կօգնի օրգանիզմը մաքրել վնասակար նյութերից, բարելավել նյութափոխանակությունը, բարձրացնել դիմադրողականությունը:

ավելացրեք կես լիտր եռացրած ջուր եւ կափարիչով ծածկեք 20 րոպե: Հետո քամեք: Լցրեք 1 բաժակ այս թուրմից, մեջը լուծեք 1 թեյի գդալ մեղր: Խմեք քնելուց առաջ (գոլ վիճակում): Երկրորդ բաժակը խմեք առավոտյան, նախապես տաքացնելով, կրկին՝ մեղրով, ու տեղուց 20 րոպե առաջ: Եփուկը պետք է խմել ամեն օր, մինչեւ խոտերը վերջանան: Երիտասարդացման այս կուրսը պետք է անցնել 2 տարին մեկ անգամ:

Վերցրեք 100-ական գրամ չոր երիցուկ, արեբուրիկ, անմուռն եւ կեչու բողբոջ: Բոլորը մանրացրեք, խառնեք, լցրեք ամուր փակվող չոր տարայի մեջ: Երեկոյան այդ խառնուրդից վերցրեք 1 թեյի գդալ, վրան

ԿԱՆ ԲԱՆԵՐ, ՈՐՈՆՔ ԶԻ ԿԱՐԵԼԻ ԵՐԵՒԱՅԻՆ ՊԱՐՏԱԴՐԵԼ

Շատերը երեխայի դաստիարակության գործում ծնողների խստությունը կարելի էր նախապայման են համարում: Սակայն, չի կարելի երեխային ստիպել որոշ բաներ անել, անգամ եթե կարծում եք, որ դա նրա իսկ օգտին է: Ստիպողաբար արվածն անպայման իր բացասական ազդեցությունը կունենա երեխայի հոգեկան առողջության վրա:



Որքան էլ խստության կողմնակից լինեք, ՉԻ ԿԱՐԵԼԻ երեխային պարտադրել հետևյալ բաները.

1. Ստել, անգամ մանրուքների հարցում (օրինակ, ասա, որ տանը չես): Եվ ոչ միայն այն պատճառով, որ ստելը վատ բան է: Եթե երեխան ստուն ընկալի որպես առօրյա սովորական երեւոյթ ու ստի այլոց, ապա վաղ թե ուշ կսկսի ստել նաեւ ձեզ՝ ծնողին: Իսկ դուք դա չեք էլ նկատի, քանի որ դերասանական վարպետությունը ժամանակի ընթացքում կատարելագործվում է:

2. Ուտել, երբ երեխան սոված չէ: Իհարկե, կան որոշակի նորմեր, որոնցով առաջնորդվելով, մայրիկները կերակրում են իրենց երեխաներին՝ մտածելով նրա առողջության ու աճի մասին: Սակայն հիշեք, որ երեխաները միմյանցից տարբերվում են: Անգամ նույն երեխան տարբեր տարիքում տարբեր կերպ է սնվում. որոշ դեպքերում՝ մեծ ախորժակով, երբեմն էլ չեմուչուն է անում, քիչ ուտում: Մեր օրգանիզմը մեզ հուշում է, թե երբ է հար-

կավոր ուտել կամ խմել, ինչի կարիք ունի եւ այլն: Երեխայի առողջության մասին մտածող ծնողի խնդիրն է սովորեցնել երեխային հասկանալ օրգանիզմի նշանները, լեզուն, ոչ թե ամեն գնով նրան կերցնել ապուրջ:

3. Լինել այնպիսին, ինչպիսին նա իրականում չէ: Եթե ձեր բալիկը, օրինակ՝ ամաչկոտ է, ապա համակերպեք եւ ընդունեք նրան այդպիսին: Մի ստիպեք նրան լինել ավելի շփվող (կամ թվալ այդպիսին), եթե նա ինքը չի նեղվում իր ամաչկոտությունից: Նույնը եւ չափից ավելի ակտիվ ու աղմկոտ երեխաների առումով: Այո՛, նրանց հետ շատ դժվար է: Սակայն թույլ տվեք նրանց լինել այնպիսին, ինչպիսին որ նրանք բնույթն են: Եվ ցույց տվեք ձեր փոքրիկին, որ սիրում եք նրան այնպիսին, ինչպիսին որ կա, ոչ թե նրան որոշակի կերպար պարտադրեք:

4. Ներողություն խնդրել՝ չիսաս-

(Շարունակելի)

ՏՂԱՍԱՐԴՈՒ ԱՐՑՈՒՆՔՆԵՐ

Տղամարդկանց կողմից զգացմունքայնության դրսևերումը սովորաբար անվայել է համարվում: Իսկ արցունքներն ընդհանրապես անթույլատրելի են: Տղամարդը պետք է զուսպ լինի եւ վերահսկի իր բոլոր արարքները:

Բայց հին դարերում ամենեւին էլ այդպես չէր: Միջնադարյան հերոսներն ի ցույց էին դնում իրենց զգացմունքների ողջ գունապնակը՝ կատաղությունից մինչեւ կիրք, վշտից մինչեւ աննկարագրելի ցնծություն: Եվ արցունքներն էլ տաբու չէին, այլ միանգամայն նորմալ երեւոյթ: Այդ դեպքում, ինչո՞ւ տղամարդիկ իրաժարվեցին իրենց զգացմունքներն արտահայտելուց...

Այժմ իր զգացմունքների մասին հարցին տղամարդն ավելի շուտ կպատասխանի, թե ինքն ինչ է մտածում, քան թե՛ ինչ է զգում:

Բայց յուրաքանչյուր տղամարդու դեպքում այս ամենը խիստ անհատական է: Նրանց մի մասը տառապում է ինքնատիրապետման ավելցուկից, մյուս մասը՝ դրա բացակայությունից եւ չափից ավելի տաքարյունությունից: Ընդհանրապես ապացուցված է,

որ զգացմունքայնությունը կապված է ինտելեկտի հետ: Որքան մարդու մտավոր մակարդակ բարձր է, այնքան նա ավելի լավ է կարողանում ճանաչել իր եւ մյուսների զգացմունքները, եւ այդքան ավելի հաջողությամբ է կարողանում դրանք ղեկավարել: Համենայնդեպս, սեփական զգացմունքները զսպելու պատճառով տղամարդիկ կյանքում շատ դժվարություններ են ունենում: Այժմ գիտնականների կողմից սկսել են մշակվել հատուկ ծրագրեր, որոնք տղամարդկանց օգնում են ավելի անկաշկանդ լինել զգացմունքների արտահայտման հարցում: Մասնագետներն ասում են, որ ամեն ինչ, նախեսառաջ, կախված է դաստիարակությունից, քանի որ ծնողներն իրենք պետք է ձգտեն իրենց երեխայի զգացմունքային պաշարը հարստացնել:

ԹԵՎԱՎՈՐ ՄՏԵՐ

Ապստամբ ժողովրդին միայն Աստված կարող է հաղթել: ԳԱՐԵԳՐՆ ՆԺԴԵՅ (1888-1955) Հայ գորավար Զեմ բաժանում լավը վատից, գի պակաս է ուտումը իմ... ԴԱՎԻԹ ԳՈՒՐԱՄԻՇՎԻԼԻ (1705-1791) Վրաց բանաստեղծ Բարեկամությունը բավականանում է հնարավորով՝ չպահանջելով հարկ եղածը: ԱՐԻՍՏՈՏԵԼ (մ.թ.ա.384-մ.թ.ա.322) Հույն փիլիսոփա Միայն ընկերոջ ձեռքը կարող է

սրտից փչերը հանել: ԿԼՈՂ ԱՂՐԻԱՆ ՀԵԼԿԵՑԻՈՍ (1715-1771) Ֆրանսիացի փիլիսոփա Աշխարհում ընկերությունից ավելի լավ ու հաճելի ոչինչ չկա. առանց ընկերության աշխարհը կզրկվի արելից: ՑԻՑԵՐՈՆ (մ.թ.ա.106-մ.թ.ա.43) Հռոմեացի հրապարակախոս Երբ ճշմարտությունը ուզում ենք ուժով ճնշել, նա խորամանկությամբ դուրս է պրծնում: Փակեք նրա բերանը ցերեկով, եւ նա կխոսի գիշերը: ՄՏԵՅԱՆ ԳՎԱՅԳ

(1881-1942) Ավստրիացի գրող Կյանքում կարելի է, թե ով է հատկապես ասում ճշմարտությունը: Ոմանց բերանում ճշմարտությունն էլ է ստի վերածվում: ԹՈՍԱՍ ՄԱՆ (1875-1955) Գերմանացի գրող Միշտ չէ՛, որ կարելի է ասել ճշմարտությունը, եթե այդպես է, ապա դրանից դեռելու չի հետեւում, թե պետք է ստել: Ս.ՄԱՐՏԻՐՈՍՅԱՆ «Վրաստանի» ընթերցող



\* - Որքան է ցիհարել կինը վերջերս: Այդ ի՞նչ դիտարկից է օգտվում: - Նա ուրիշ ծար չուներ: Նրա համար գնեցի մասին նա նույնիսկ չէր էլ երագում: Բայց՝ երկու չափս փորք: \* - Հայրիկ, ես ցանկանում եմ ինչ-որ բան նկարել, բայց չունեմ վար-

2 Ü ° 1 , ä ↑ Ü ° Ծ

դագույն ներկ: Կզնե՞ս: - Ինչո՞ւ գնեմ: Եփիր մի քանի նրբերշիկ, եւ դու կունենաս ամենախկական վարդագույն ներկը: \* Հիշի՞ր, պետք թե՛ զանցից արագ է կողմնորոշվում: Եվ երբ դու միայն մտածում ես լավ որոշման մասին, նա արդեն

ընդունում է վատը: \* - Դու հիմար ես: - Բայց հո գեղեցիկ եմ: - Ո՞վ է քեզ ասել: - Դու: - Եվ դու հավատացե՞լ ես: - Իհարկե: - Ուրեմն հիմար ես:

- Բայց հո գեղեցիկ եմ: \* Ձանգ՝ տուրիստական ընկերություն. - Բարեւ Ձեզ, մենք կցանկանայինք հանգստանալ: - Եվ որքա՞ն գումար ունեք դրա համար: - Դե՛, տասնհինգ լարի: - Հանգստացե՛ք...

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ԲԱՐՁՐ ԳԼԱՅԱՏԱԿԱՆ՝ ՀԱՎԱՄԱՐՏՈՒԹՅԱՆ ԿԱՐԳԱՎՈՐՄԱՆ ՈՒՂՂՎԱԾ ԳՈՐԾՈՒՆԵՈՒԹՅԱՆԸ

Հունիսի 3-ին Հայաստանի նախագահ Սերժ Սարգսյանը ընդունեց ԵԱՀԿ գործող նախագահ, Սերբիայի առաջին փոխվարչապետ, արտգործնախարար Իվիցա Դաչիչին և նրա գլխավորած պատվիրակությանը:

Սերժ Սարգսյանը բարձր գնահատեց ԵԱՀԿ գործունեությունը և դերակատարումը ոչ միայն որպես ԼՂ հիմնախնդրի կարգավորմանը զբաղվող հիմնական կառույցի, այլ նաև ամբողջ Եվրոպայում անվտանգության պահպանմանը զբաղվող

կազմակերպության: Հանդիպմանը քննարկվեցին նաև հայ-սերբական երկկողմ հարաբերությունների օրակարգը և զարգացման հեռանկարները:



Դիմավորման պաշտոնական արարողությունից հետո, անցկացվեց երկու երկրների վարչապետների առանձնագրույցը,

ՀԱՅԱՍՏԱՆԻ ՎԱՐՉԱՂԵՏԸ ԶԵՆԻԱՅՈՒՄ

Պաշտոնական այցով Չեխիայի Հանրապետությունում գտնվող Հայաստանի վարչապետ Հովիկ Աբրահամյանը Պրահայում հանդիպեց Չեխիայի վարչապետ Բոհուսլավ Սորոտկայի հետ:

որին հաջորդեց ընդլայնված կազմով հանդիպումը:

Չրուցակիցները քննարկեցին երկուստեք հետաքրքրություններ կապեցող այլ հարցեր եւս, անդրադարձան Հայաստան-Եվրա-

միություն, Հայաստան-ԵԱՍՄ փոխգործակցությանը:

Ընդլայնված կազմով հանդիպումից հետո, տեղի ունեցավ երկկողմ համագործակցության մասին փաստաթղթերի ստորագրման արարողությունը:

հանդիպում է ունեցել Չեխիայի խորհրդարանի Պատգամավորների պալատի նախագահ Յան Համաչեկի հետ:

Հովիկ Աբրահամյանի գլխավորած պատվիրակությունը Պրահայի Սենոլաժնե հրապարակում ծաղկեպսակ է դրել հայ-չեխական բարեկամությունը խորհրդանշող խաչքարին:

ՀԱՅԱՍՏԱՆԻ ՎԱՐՉԱՂԵՏԸ ՄԱՍՆԱԿՑԵՑ ԵՎՐԱՍԻԱԿԱՆ ՄԻՋՎԱՈՒՎԱՐԱԿԱՆ ԽՈՐՀՐԴԻ ՆԻՍՏԻՆ

Աշխատանքային այցով Ղազախստանում գտնվող վարչապետ Հովիկ Աբրահամյանի գլխավորած կառավարական պատվիրակությունը մասնակցեց Եվրասիական միջկառավարական խորհրդի նիստին: Նիստում ելույթով հանդես եկան ԵԱՍՄ անդամ պետությունների վարչապետները:

Նիստի ընթացքում, ԵԱՍՄ անդամ երկրների կառավարությունների ղեկավարները քննարկեցին ԵԱՍՄ շրջանակում հետագա

համագործակցության զարգացման ուղղված մոտ երկու տասնյակ հարցեր: Նիստի արդյունքում ստորագրվել է հավանության

են արժանացել մի շարք փաստաթղթեր, որոնք ամրագրում են անդամ պետությունների փոխգործակցությունը՝ տնտեսության բազմաթիվ ոլորտներում: Եվրասիական միջկառավարական խորհրդի նիստից հետո, ստորագրվել է Եվրասիական տնտեսական միության անդամ պետությունների և Վիետնամի միջև համաձայնագիրը:

ՍՓՅՈՒՌԻ ՆԱԽԱՐԱՐՈՒԹՅԱՆ ԱԶԱԿՑՈՒԹՅԱՄԲ ՀՐԱՏԱՐԱԿՎԵԼ Է ՄԵԿ ՏԱՍՆՅԱԿԻՑ ԱՎԵԼԻ ԳՐՔԵՐ

Հայաստանի սփյուռքի նախարարության աջակցությամբ, նախորդ տարվա ընթացքում մեկ տասնյակից ավելի գրքեր են հրատարակվել՝ ձեռնարկներ, ուսումնասիրություններ, տարեգրքեր, որոնք հասարակության դասին ներկայացվեցին հունիսի 1-ին: Ընդհանրապես մասնակցեցին Հայաստանի սփյուռքի նախարար Հրանուշ Հակոբյանը, Հայաստանի Գիտությունների ակադեմիայի ակադեմիկոսներ, ամուսնուհիներ, գրքերի հեղինակներ:



Հայաստանի սփյուռքի նախարարը շնորհակալություն հայտնեց հետազոտությունների հեղինակներին:

մանկավարժական համալսարանի «Սփյուռք» գիտատնտեսական կենտրոնի տնօրեն Սուրեն Դանիելյանի «Սփյուռքահայ գրականության մուսուլմանները և զարգացման միտումները (1920-1960-ական թթ.)» գիրքը:

Ներկայացվեցին նաև Վ. Բարխուդարյանի, Հ. Ալեքսանյանի «Ռուսաստանի հայ գաղթը 1876-1920»», Արթուրյանի անվան պետական

Յանի, Լ. Կարապետյանի, Ս. Հարությունյանի, Ն. Հովհաննիսյանի և այլ հեղինակների «Հայկական կտակների իրավական դաշտի ուսումնասիրություն», «Հայոց ցեղասպանության թեման իտալական գրականության մեջ», «Արեւմտահայերենի և արեւելահայերենի տերմինային համակարգերի զուգարկական քննու-

սման կարծիքները քննություն հանձնեցին «Կենսաբանություն», «Աշխարհագրություն», «Ընդհանուր պատմություն» («Համաշխարհային պատմություն») առարկաներից:

Ներկայացվեցին նաև Վ. Բարխուդարյանի, Հ. Ալեքսանյանի «Ռուսաստանի հայ գաղթը 1876-1920»», Արթուրյանի անվան պետական

թյուն», «Սփյուռքի դիրքորոշումները ՀՀ աշխարհաքաղաքական կողմնորոշումների շուրջ» գրքերը, «Գրական սփյուռք-2014» տարեգիրքը, «Հայրենադարձների փորձն ու ինտեգրումը Հայաստանում. խոչընդոտներ և հնարավորություններ» և 2014թ. հրատարակված այլ հետազոտություններ:

ՄԻԱՍՆԱԿԱՆ ՔՆՆՈՒԹՅՈՒՆՆԵՐԻՆ՝ 11 ՀԱԶԱՐԻՑ ԱՎԵԼԻ ԴԻՄՈՐԴ

Հայաստանում տասնմեկ հազարից ավելի դիմորդ այս տարի կմասնակցի միասնական քննությունների: Քննությունները մեկնարկեցին հունիսի 2-ին:

Հունիսի 2-ին դիմորդները քննություն հանձնեցին «Կենսաբանություն», «Աշխարհագրություն», «Ընդհանուր պատմություն» («Համաշխարհային պատմություն») առարկաներից: Քննություններն անցկացվում են Հայաստանի 34 քննական կենտրոններում:

Ընդհանուր առմամբ, գրանցվել է 11 հազար 803 դիմորդ: Նախորդ տարվա հետ համեմատած՝ տարբերությունը շատ քիչ է: Ցուցանիշը մոտ է նախորդ տարվան, բայց մոտ 400 դիմորդ պակաս է, քան նախորդ տարի: Դիմորդները «Հայոց լեզու և հայ գրա-

կանություն» առարկայից քննություն հանձնեցին հունիսի 5-ին, իսկ «Ֆիզիկա» առարկայից քննությունը կհանձնեն հունիսի 9-ին: «Օտար լեզու» առարկայից քննությունը կանցկացվի հունիսի 12-ին, իսկ «Մաթեմատիկա» առարկայից՝ հունիսի 16-ին: «Հայոց պատմություն» և «Քիմիա» առարկաների քննությունը կանցկացվի հունիսի 19-ին: «Ռուսաց լեզու» առարկայի քննությունը տեղի կունենա հունիսի 23-ին:



Համակարգը ստեղծվել է օտարերկրյա պետություններից Հայաստանի Հանրապետություն վերադառնալու մտադրություններ ունեցող քաղաքացիների համար: Այն մասնավորապես հնարավորություն է ընձեռում օգտակար տեղեկատվություն քաղել ինչպես վերադարձի ու հայրենիքում վերաինտեգրման գործընթացների և այս ուղղությամբ իրականացվող ծրագրերի վերաբերյալ, այնպես էլ ժամանակակից էլեկտրոնային կապուղիներով կոնկրետ հարցերով

ՏԵՂԵԿԱՏՎԱԿԱՆ ԻՆՏԵՐՆԵՏԱՅԻՆ ՀԱՄԱԿԱՐԳԻ ՄԱՍԻՆ

դիմել հայաստանյան պետական մարմիններին: Համակարգից տեղեկություններ կարելի է ստանալ 3 մակարդակների միջոցով. 1-ին մակարդակում համակարգի 15 ոլորտային բաժիններն են, որտեղ հանրամատչելի ոճով, հարցապատասխան ձևաչափով զետեղված են տեղեկությունները վերադարձի հետ առնչություն ունեցող հարցերի վերաբերյալ: 2-րդ մակարդակում յուրաքանչյուր քաղաքացի համակարգի միջոցով կարող է հաշվառվել և իրեն հուզող կոնկրետ հարցով դիմել համապատասխան պետական մարմին: 3-րդ մակարդակում տեսակապի միջոցով օտարերկրյա

ՔՆՆԱՐԿԵԼ ԵՆ ՀԱՎԱՄԱՐՏՈՒԹՅԱՆ ԿԱՐԳԱՎՈՐՄԱՆ ԳՈՐԾԵՆԹՅԱՆԸ

Հայաստանի ԱԳ նախարար Էդվարդ Նալբանդյանը և Արցախի Հանրապետության արտգործնախարար Կարեն Միրզոյանը հունիսի 4-ին կայացած հանդիպմանը քննարկել են դարաբաղյան հիմնախնդրի խաղաղ կարգավորման գործընթացի շուրջ ընթացող զարգացումները:

Ջրուցակիցներն անդրադարձել են ԵՄ և Արևելյան գործընկերության երկրների Ռիզայի գագաթաժողովի հռչակագրում դարաբաղյան հակամարտության կարգավորման վերաբերյալ ընդգրկված չեւանկերումներին: Էդվարդ Նալբանդյանն ու Կարեն Միրզոյանը մտքեր են փոխանակել ԵԱՀԿ գործող նախագահի տարածաշրջան կարգադրած այցելության, Հայաստանի և Արցախի ղեկավարության հետ ունեցած հանդիպումների շուրջ:

Հայաստանի և Արցախի արտգործնախարարները քննարկել են երկու արտաքին քաղաքական գերատեսչությունների միջև փոխգործակցությանն առնչվող հարցեր:

ՄԵՎՎՈՒՄ Ե ՀԱՄԱԳՈՐԾԱԿՑՈՒԹՅԱՆ ՆՈՐ ՕՍՍՏԱԵՌՈՒԹ

Եվրամիության հետ նախապատրաստվող համագործակցության նոր փաստաթղթի չեւաչափը դեռևս պարզ չէ. սակայն այն լինելու է երկկողմ բանակցվող և վավերացվող փաստաթուղթ: Ինչպես նշվեց Հայաստանի կառավարության նիստում, Եվրամիության Արևելյան գործընկերության գագաթաժողովի ընթացքում ԵՄ կողմը ցույց տվեց, որ երկրների նկատմամբ գործելու են տարբերակված մոտեցումներ և չեւաչափեր, ու չեն լինելու ընդհանրական մոտեցումներ: Եվրահանձնաժողովը հավանություն է տվել համագործակցության ընդլայնման առաջարկությանը Հայաստանի հետ և պաշտոնական հայացադրման և ուղարկել Եվրոպական խորհրդին, որն էլ հաստատելու է մանդատը:

ՁԵՂԱՍՊԱՆՈՒԹՅԱՆ ՀԱՐՁԸ՝ ՄԵԾ ԲՐԻՏԱՆԻԱՅԻ ԽՈՐՀՐԴԱՐԱՆՈՒՄ

Հայոց ցեղասպանության հարցն ընդգրկված է Մեծ Բրիտանիայի խորհրդարանի Լորդերի պալատի հունիսի 16-ի նիստի օրակարգում: 1915 թվականին հայերի, հույների և ասորիների զանգվածային սպանությունների հարցը որպես ցեղասպանություն որակելու մասին հարցը կներկայացնի բարոնուհի Քերոլայն Քոքսը:

541 ՄՐԻՈՆ ԳՈՒՐՔ՝ ՄԱՍՆԱԿՈՐ ՀԱՏՎԱԾԻ ԶԱՐԳՑՄԱՆ ՀԱՄԱՐ

Ավելի մրցունակ և զանազանեցված մասնավոր հատվածի չեւանկերում նպատակով, ԱՄՆ-ի կառավարությունը կշարունակի ԱՄՆ Միջազգային զարգացման գործակալության միջոցով Հայաստանի կառավարությանն օժանդակության ծրագիրը: Դեռևս 2010 թվականին երկու երկրների միջև այդ նպատակով ստորագրվել էր համապատասխան համաձայնագիրը, որի շրջանակում, արդեն իսկ մեր երկրին ցույցաբերվել է ավելի քան 40 մլն դոլարի օժանդակություն: Նախագծի փոփոխությունը նախատեսում է լրացուցիչ 6 մլն 683 հազար դոլարի ֆինանսական հատկացումների իրականացում, որի դեպքում, հատկացումների ընդհանուր գումարը կկազմի 51 մլն 41 հազար 565 դոլար:

ԵԿԵՂԵՑԱԿԱՆ

ՀՈՒՆԻՍ

6.06.2015. Սուրբ Գրիգոր Լուսավորչի ելքը Վիրապից 301 թվականին Սուրբ Գրիգոր Լուսավորչի Խոր Վիրապից դուրս գալու հիշատակության օրն է, որն սկիզբ դարձավ հայոց մեծ դարձի:



7.06.2015. Տոն Կաթողիկե Սուրբ Էջմիածնի Հայոց եկեղեցու մեծ տոներից է Սուրբ Գրիգոր Լուսավորչի տեսիլքով Կաթողիկե Սուրբ Էջմիածնի հիմնադրման տոնը:

ՄԱՐԶԱԿԱՆ

ՕԼԻՄՊԻԱԿԱՆ ԿՐԱԿԸ ԱՆԱԼՔԱՆՔԻՈՒՄ ԵՎ ՆԻՆՈՍԻՆԻԱՅՈՒՄ

Ինչպես արդեն հաղորդել ենք, մայիսի 26-ին արդեն վառված Օլիմպիական կրակը նույն օրը հասցվեց Բաթումի, որտեղից էլ սկսվեց Օլիմպիական կրակի շրջայցը Վրաստանի տարածքով: «Թբիլիսի-2015» Եվրոպայի երիտասարդական օլիմպիական փառատոնի խորհրդանիշ կրակը մայիսի 31-ին հասավ Ասպինձա եւ Ախալքալաքի, իսկ հունիսի 1-ին՝ Նինոծինոյի:



մինդա: Նինոծինոյից Օլիմպիական կրակը ուղղաթիռով հասցվեց Ծալկա:

ՖՈՒՏԲՈԼ ԲԱՏԵՐԸ ՎԵՐԵՆՐՎԵՑ ԳԻՏԱ-Ի ՆԱԽԱԿԱԶ, ԻՍԿ ԵՐԵՔ ՕՐ ՇԵՏՈ ՀՐԱԾԱՐԱԿԱՆ ՏՎԵՑ



Ինչպես արդեն հաղորդել ենք, Յուրիխուն մայիսի 29-ին անցկացվեց ԳԻՏԱ-ի 65-րդ կոնգրեսը, որի օրակարգում կազմակերպության նախագահի ընտրության հարցն էր:

Կոնգրեսը ԳԻՏԱ-ի նախագահի պաշտոնում արդեն 5-րդ անգամ վերընտրեց 79-ամյա ժոզեֆ Բլատերին: Մյուս թեկնածուն՝ արքայազն Ալ Ղուսեյը, հանել էր իր թեկնածությունը: Սակայն, արդեն հունիսի 2-ին, ԳԻՏԱ-ի օրեր առաջ վերընտրված նախագահ ժոզեֆ Բլատերը հերածարական տվեց ԳԻՏԱ-ի նախագահի պաշտոնին: Բլատերը հրաժարականի դիմում կներկայացնի ԳԻՏԱ-ի արտահերթ հրավիրված կոնգրեսի ժամանակ: ԳԻՏԱ-ի նախագահի հետ կապված վերջին մի քանի ամիսների ընթացքում միջազգային ՁԼՄ-ները, հատկապես ամերիկյան մամուլը մեծ աղմուկ բարձրացրին՝ մեղադրելով նրան ե՛ւ ձայներ գնելու, ե՛ւ կաշառակերության մեջ: Անցած մի քանի օրերին շվեյցարական ոստիկանությունը նույնիսկ ձերբակալել էր ԳԻՏԱ-ի մի քանի աշխատակիցների:




ՇԱԽՄԱՏ. ԱՎՏԻՎՈՒՄ ԱՐՇԱԹԵ ՄԵՂԱԼ

Չաբվիում եզրագիծը հատեց շախմատի կանանց Եվրոպայի 16-րդ առաջնությունը, որին մասնակցում էր 19 երկրի 98 շախմատիստուհի: Մրցաշարն անցկացվեց շվեյցարական համակարգով՝ 11 տուրով: Մայրցամաքի չեմպիոնի կոչումը՝ 9,5 միավորով, վաստակեց ուկրաինուհի Նատալյա ժուկովան: Վրաստանը ներկայացնող Նինո Բացիաշվիլին՝ 9 միավորով, երկրորդն էր: Հայաստանի ներկայացուցիչ էլինա Դանիելյանը՝ 8 միավորով, զբաղեցրեց չորրորդ հորիզոնականը: Վրաստանի մեկ այլ ներկայացուցիչ Սալոմե Մելիան՝ 7,5 միավորով, 8-րդն էր:

ՆՈՐ ԳԻՐՔ

«ՎԵՐՆԱՏՈՒՆ» ՏԱՐԵԳՐՔԻ ՀԵՐԹԱԿԱՆ ՀԱՄԱՐԸ



Լույս տեսավ Վրաստանի հայ գրողների «Վերնատուն» միության «Վերնատուն» տարեգրքի (գլխավոր խմբագիր՝ Գեորգ Անխաջան) տասներորդ համարը:

Տարեգրքը համարյա ամբողջովին նվիրված է Մեծ եղեռնի 100-ամյակի տարելիցին: Լույս տեսած համարում վեց խորագրի տակ՝ «Չափածո եւ արձակ», «Հյուրասրահ», «Մեր նոր վերնականները», «Թարգմանություններ», «Այլալեզու գրողներ», «Վերնատան» հյուրն է դրամատուրգը՝ գեղեղված են 43 հայտնի ու անհայտ վրաստանցի, հայաստանցի եւ հեռավոր արտասահ-

մանից ստեղծագործողների գործերը: Առանձնակի ուշադրությամբ է ընթերցվում Երեւանի Հովհ.Թումանյանի թանգարանի տնօրեն Նարինե Թումանյան-Խաչատուրյանի հոդվածը՝ «Հովհաննես Թումանյանը Հայոց ցեղասպանության տարիներին»:

Տարեգրքը, որը լույս է տեսնում 1997 թվականից, տպագրվել է Թբիլիսիի «Մեդիոնոբարի» հրատարակչությունում, Հայաստանի սփյուռքի նախարարության մեկենասությամբ:

ԱՆՆԱ ՍԱՐԻՔԵԿՅԱՆ

ՔԱՐԳԵՈՐԾՈՒԹՅՈՒՆ

ՓԻՐՈՍՄԱՆՈՒ ԿՏԱՎԸ ԿՎԵՐԱԴԱՌՆԱ ՎՐԱՍՏԱՆ

Ինչպես տեղեկացրել է «Ռուսթավի 2» հեռուստաընկերությունը, Վրաստանի նախկին վարչապետ, միլիտարատեր Բիծինա Իվանիշվիլին Լոնդոնի աճուրդում ձեռք բերեց վրացի հայտնի նկարիչ Նիկո Փիրոսմանու «Արսենալյան լեռը գիշերը» նկարը համընդհանուր վրձնարարական թանգարանին:



Փիրոսմանու «Արսենալյան լեռը գիշերը» նկարը հունիսի 1-ին վաճառվել է Christie's-ի աճուրդում: Այն մեկուկես միլիոն դոլարով ձեռք է բերել Վրաստանի նախկին վարչապետ Բիծինա Իվանիշ-

վիլին: Աճուրդում Փիրոսմանու գործը ներկայացվել է «Ռուսական արվեստ» բաժնում, ինչն ավելի վաղ հարուցել է Վրաստանի մշակույթի եւ հուշարձանների պահպանության նախարարության դժգոհու-

թյունը: «Արդեն հայտնի է դարձել, որ նկարը կհանձնվի Արվեստի պետական թանգարանին»,- հայտարարել է հեռուստաընկերությունը:

ՇՆՈՐՀԱՎՈՐԱՔ

Արժանապատիվ ՏԵՐ ՄԱՆՈՒԿ ՁԵՅՆԱԼՅԱՆ.



Այսօր Չեր ծննդյան օրն է: Այս առիթով ի տրտե շնորհավորում են Ձեզ: Մաղթում են քաջառողջություն, անսահման երջանկություն, առաջընթաց Ձեր պանծալի եւ ազգանվեր գործուն: Մայր հայրենիքի կարոտն ու սերը անշեշ կրակի պես շերտացնում է Ձեր հոգին: Անսպառ եռանդը անսասան եւ անվարան կպահեն Ձեր վեհ առաքելությունը եւ առ Աստված աղոթքները: Ամենակարող Տերը զորավիգ ու պահպան Ձեզ:

Խորին հարգանքով եւ անկեղծ ցանկություններով՝ Սուսաննա Մանվելյան

ՀԱՅՏԱՐԱՐՈՒԹՅՈՒՆ

ArmaniTravel-ը կազմակերպում է 1-2 օրյա ճանաչողական տուր Թբիլիսիում (աշակերտների համար):

Տուրի շրջանակներում, նախատեսված են այցելություններ Թբիլիսիի Էջմիածին եկեղեցի, Սամեթա, Աբանոթուբանի, Բուսաբանական այգի, Նարիդալա (ներառյալ՝ ճոպանուղի), Ռիդե, Չվելի Թբիլիսի, Ազգային Թանգարան, Սթածմինդա (ներառյալ՝ 2 կարուսել), Սուրբ Գեորգ եկեղեցի եւ Սայաթ-Նովայի գերեզման, Սիոնի Վարձը՝ մեկ անձի հաշվով մեկ օրվա համար՝ 59 լարի, մեկ գիշեր-2 օրվա համար՝ 77 լարի: Վճարը ներառում է ճանապարհածախսը, հարմարավետ միկրոավտոբուսով (Ախալքալաքի-Նինոծինոյա-Թբիլիսի եւ հակառակը), մուտքի տոմսը, ուղեկցորդ, նախաճաշ: 13 հոգուց ավելի խմբի դեպքում, անվճար կարող են մասնակցել տնօրենը կամ դասղեկը: Սիրով սպասում ենք ձեզ: Ձանգահարեք՝ Հեռ: 577 25 74 76 / 579 08 79 05

E-mail:turizmgeorgia@gmail.com  
FB: Turizm Georgia

Table with 10 columns and 10 rows, containing numbers 1 through 61 in a grid pattern.

Խ Ա Չ Բ Ա Ռ

ՀՈՐԻԶՈՆԱԿԱՆ. 1.Քաղաք Հայաստանում: 6.Ա.Դյուան «... Սոնտե Քրիստոս»: 9.Երիտասարդ, խոստումնալից դերասան ... Լեոնյան: 10.Քանդված, քարոքանդ եղած: 12.Օֆեյսյան մտերմիկ շրջապատում: 13.Մոտակա, մերձ, մոտիկ գտնվող: 16.Պարի տեսակ: 19.Հրոսակ, հրի ու սրի մատնող հեծյալ: 21.Ալավոնական ազգ: 22.Ծրարի մեջ եղած կապի միջոց: 25.Հնդկականը թունամայանի լեզվում: 27.«Վրաստան» թերթի հոդված «Թբիլիսյան ...ներ»: 20.Դես ու ...: 32.Ձիմկրակների ուսերին: 33.Չվել, ատել: 34.Բնակարան, ապրելու տեղ: 35.Սարսափազդու, վախեցնալու: 38.Գետ Ռուսաստանում: 40.Ծովայինի խմիչք: 42.Գրին ..., իզի ...: 43.«Անձրեկից ... յասամանն անգամ» (Գ.Սարյան): 45.Երեւան ... խանութների ցանց: 46.Բրազիլացի հանրաճանաչ ֆուտբոլիստ: 48.Թռչնի ձագ: 49.Չգրն, զգաստ: 52.Մարկոս ... Ալիմյան: 54.Միանիշ, կենտ թիվ: 55.... Չավես: 56.Նիկար, ոչ հաստ: 58.Տոն Մարտի ...: 59.Ծեր, սպիտակած մազերով: 61.Կատվազգի զագան:

ՈՐԳԱՆԱՅՑՆՑ. 2.Հայկական գինի: 3.Դրախտի առաջին բնակիչը: 4.«...ը փորձանք չի բերում»: 5.Լուսամուտի ...: 7.Թբիլիսիի Խոջիվանքի պանթեոնում թաղված հայ վիպասան: 8.Վանա լճում հայտնի ձուկ: 11.Կորիզապտուղ: 14.Հայոց մայր գետը: 15.«Ինչու է աղմկում գետը» ֆիլմի հերոս: 17.Ականատես, ներկա գտնվող: 18.Կոմիտասի երգերից: 20.Ա.Բակուցի հերոսներից: 23.Ծովային փակվածորթ: 24.Մթնոլորտային տեղում: 26.Գույն, երանգ: 28.Հագուստի ներսի մասում: 29.Օվկիանոսային ալիք: 31.Բնագավառ: 33.Չիու ոտնաման (ժող.): 36.Մորթատու զագանիկ: 37.Կաղր, մաս, արար (թատրոնում): 39.Ռուսական ցար Իվան ...: 41.Օրենքի պաշտպան: 44.Ծանր հանցագործություն: 46.Կտոր, մաս, թիք: 47.Գերեզմանատուն Փարիզում Պեր ...: 50.Ձակր, արա: 51.Նավահանգիստ Վրաստանում: 53.Կայենի գոհը: 57.Որձ, տղա: 60.«... երկու տառ, ... հասարակ մի դերանուն» (Պ.Սեւակ):

Կազմեց ԱՆՆԱ ՍԱՐԻՔԵԿՅԱՆԸ

ՆԱԽՈՐԴ ՀԱՄԱՐԻ ԽԱՉՐԱՈՒ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 7.Մյուռեն: 8.Ամիկո: 9.Սեն: 10.Վզոնց: 13.Դիեզո: 18.Պռոշ: 19.Առաջանալ: 22.Անիդձ: 23.Իդիլիա: 28.Ուտեստ: 29.Բերած: 32.Որմ: 33.Փխո: 34.Ասանկ: 37.Բոա: 39.Օլգա: 41.Ալսու: 44.Հրատ: 46.Ժորձ: 47.Բաս: 49.Կոխ: 50.Սանսուց: 52.Ցիան: 54.Գաննա: 55.Դեզա: 56.Յա: 57.Անդին: 58.Ծածկ: ՈՐԳԱՆԱՅՑՆՑ. 1.Թուխ: 2.Լենց: 3.ժեստ: 4.Կանդ: 5.Թիթե: 6.Կոտոջ: 11.Չառա: 12.Ողջի: 14.Իպիտո: 15.Գորիս: 16.Ինձ: 17.Էլի: 20.Անդրի: 21.Աղածո: 24.Գունա: 25.Լեթա: 26.Ատակ: 27.Գող: 30.Յփել: 31.Ասմա: 35.Ստաժ: 36.Նոսր: 37.Բոր: 38.Ավտոգեն: 40.Գուսան: 42.Լորի: 43.Ուժանակ: 44.Հասան: 45.Ալկոհ: 48.Ասամ: 51.Մնա: 52.Ցած: 53.Այծ:

Խմբագիր՝ ՎԱՆ ԲԱՅԲՈՒՐԹՅԱՆ

Մեր հասցեն՝ Թբիլիսի 0105  
Գ.Աթոնելի փ. 5 Հեռ. 2990-739, 2990-774  
www.vrastan.ge  
E-mail: vrastan@caucasus.net

Գրանցման վկայական  
№ 4 4 - 1439  
«ԿՈԼՈՐ» հրատարակչություն

«ВРАСТАН»  
Тбилиси, Грузия  
«VRASTAN»  
Georgia, Tbilisi  
Индекс 66445